

**ЎЗБЕКИСТОН RESPUBLIKASI
VAZIRLAR MAHKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 15 » Февраль 2019 у.

№ 138

Toshkent sh.

**Қизилмия ва бошқа доривор ўсимликларни етиштириш
ҳамда саноат усулида қайта ишлашни самарали ташкил
этишга доир кўшимча чора-тадбирлар тўғрисида**

Қизилмия ва бошқа доривор ўсимликларни етиштириш ҳамда саноат усулида қайта ишлашни самарали ташкил этишни таъминлаш, соҳанинг тадбиркорлик субъектлари учун жозибadorлигини ошириш, шунингдек, юқори кўшилган қийматга эга бўлган экспортбop маҳсулотлар ишлаб чиқариш ҳажмларини кўпайтириш мақсадида Вазирлар Маҳкамаси **қарор қилади:**

1. Қуйидагилар Қизилмия ва бошқа доривор ўсимликларни етиштириш ва қайта ишлаш ташкилотлари уюшмасининг (кейинги ўринларда Уюшма деб аталади) асосий вазифалари ҳисоблансин:

қизилмия ва бошқа доривор ўсимликларни етиштириш ва қайта ишлашни комплекс ривожлантириш дастурларини шакллантириш ҳамда уларнинг амалга оширилишини мувофиқлаштиришда иштирок этиш, ушбу соҳада ягона илмий-техник, технологик, инвестиция ва экспорт сиёсатини юритишга кўмаклашиш;

қизилмия ва бошқа доривор ўсимликлар ўсиши учун қулай ҳудудларда махсус плантациялар ташкил этиш, шу жумладан етиштиришнинг интенсив технологияларини жорий этиш орқали ва табиий ўсиш майдонларидан оқилona фойдаланган ҳолда уларни етиштириш ҳажмларини босқичма-босқич ошириб бориш;

плантацияларни ташкил этиш, шунингдек, қизилмия ва бошқа доривор ўсимликларни саноат асосида чуқур қайта ишлаш ҳамда улардан юқори кўшилган қийматга эга бўлган экспортбop маҳсулотлар ишлаб чиқариш доирасида тадбиркорлик субъектларининг давлат бошқаруви органлари, барча даражадаги маҳаллий давлат ҳокимияти органлари билан ўзарo ҳамкорлигини самарали ташкил этишга кўмаклашиш;

қизилмия ва бошқа доривор ўсимликларни етиштириш ҳамда қайта ишлаш соҳасини ривожлантиришга оид норматив-ҳуқуқий ҳужжатлар лойиҳаларини ишлаб чиқишда иштирок этиш, шунингдек, жамоатчилик экологик назоратини амалга ошириш;

қизилмия ва бошқа доривор ўсимликларни етиштириш ҳамда қайта ишлаш соҳасидаги инвестиция дастурлари ва лойиҳаларининг амалга оширилишини мувофиқлаштиришда иштирок этиш;

қизилмия ва бошқа доривор ўсимликларни етиштириш ҳамда қайта ишлаш бўйича янги қувватларни ташкил этиш ва мавжудларини ривожлантириш жараёнларига хорижий сармояларни, чет эллик мутахассислар ҳамда маслаҳатчиларни фаол жалб этиш, ушбу соҳада илғор технологияларни жорий этиш;

мазкур соҳа учун мутахассисларни тайёрлаш ва қайта тайёрлаш, олий ва ўрта махсус, касб-хунар таълими муассасаларида, шунингдек, хорижда уларнинг малакасини ошириш ишларини самарали ташкил этиш ҳамда мувофиқлаштиришда иштирок этиш.

2. Давлат ва хўжалик бошқаруви органлари, маҳаллий ижро этувчи ҳокимият органлари Уюшмага унинг сўровлари бўйича унга юкланган вазифаларни бажариш билан боғлиқ зарур ахборот, статистика ҳамда бошқа маълумотлар тақдим этилишини таъминласинлар.

3. Бошқарув ходимларининг чекланган сони 12 нафардан иборат бўлган Уюшманинг ижро этувчи аппарати тузилмаси 1-иловага мувофиқ маъқуллансин.

4. 2019-2023 йилларда Қорақалпоғистон Республикасида қизилмия ўсимлиги янги плантацияларини ташкил этишнинг прогноз параметрлари 2-иловага мувофиқ тасдиқлансин.

Қорақалпоғистон Республикаси Вазирлар Кенгаши Раиси ва туманлари ҳокимларининг 2019-2023 йилларда Қорақалпоғистон Республикасида қизилмия ўсимлиги янги плантацияларини ташкил этиш прогноз параметрларининг ўз вақтида, тўлиқ ҳамда самарали бажарилишини таъминлаш учун шахсий масъулияти белгилансин.

5. Уюшма ва унинг аъзолари ўртасидаги ўзаро муносабатлар қонун ҳужжатларига мувофиқ тегишли таъсис шартномаси асосида тартибга солиниши маълумот учун қабул қилинсин.

6. Уюшманинг 2019 йил 1 майдан бошлаб, қизилмия экстракти ишлаб чиқарувчилари бўлган Уюшма аъзолари учун 2024 йил 1 январгача 100 гектардан кам бўлмаган майдонда қизилмия плантацияларини мажбурий ташкил этиш бўйича талаблар белгилаш тўғрисидаги таклифига розилик берилсин.

7. Уюшма аъзоларига 2024 йил 1 январгача бўлган муддатда қизилмия ва бошқа доривор ўсимликлар етиштириш, қизилмия ва бошқа доривор ўсимликлар плантацияларини назорат қилиш ҳамда мониторингини олиб бориш жараёнини самарали бошқариш учун учувчисиз учиш аппаратларини олиб киришга рухсат берилсин.

8. Ўзбекистон Республикаси Транспорт вазирлиги ҳузуридаги Фуқаро авиацияси агентлиги зарур ҳужжатлар тақдим этилган кундан бошлаб ўн кун муддатда Уюшма аъзоларига учувчисиз учиш аппаратларидан фойдаланишга рухсат этиш тўғрисида хулоса берилишини таъминласин.

9. Уюшманинг қизилмия ва бошқа доривор ўсимликлар плантацияларини ташкил этадиган, шунингдек, қизилмия ва бошқа доривор ўсимликларни қайта ишлайдиган аъзоларига 2024 йил 1 январгача бўлган муддатга:

а) куйидагилардан:

ер солиғи, даромад солиғи, юридик шахслар мулк солиғи, ягона солиқ тўлови, ягона ер солиғи тўлашдан;

ўзларининг ишлаб чиқариш эҳтиёжлари учун республикада ишлаб чиқарилмайдиган ва олиб келинадиган технологик ускуналар, махсус қишлоқ хўжалиги техникалари, уларнинг бутловчи ва эҳтиёт қисмлари, хомашёлар, материаллар, шу жумладан қурилиш материаллари, қизилмия ва бошқа доривор ўсимликлар уруғлари ва кўчатлари, шунингдек, учувчисиз учиш аппаратлари учун божхона тўловларидан (божхона йиғимларидан ташқари) озод қилиш;

б) плантациялар ташкил этиш учун экиш материалларини (уруғ, қаламчалар) тайёрлаш (йиғиш) мақсадида рухсатнома олиш учун йиғимлар тўловини кечиктириш тарзида имтиёзлар берилсин.

10. Хомашё кўринишидаги қизилмияни Ўзбекистон Республикасидан ташқарига юқори қўшилган қийматга эга бўлган маҳсулот ишлаб чиқариш ва экспорт қилиш мақсадида олиб чиқиш учун тўловлар бўйича имтиёзлар бериш амалиёти бекор қилинсин.

11. Белгилаб қўйилсинки, 2019 йил 1 майдан бошлаб:

Халқаро лабораторияларни аккредитация қилиш ташкилоти (ILAC) ва Халқаро аккредитация қилиш форумининг (IAF) тўлақонли аъзолари ҳисобланган мамлакатларнинг сертификатлаш органлари томонидан берилган мувофиқлик сертификатлари ёки синовлар протоколлари тақдим этилганда, Уюшма аъзолари фақат ўзларининг ишлаб чиқариш эҳтиёжлари, плантациялар ташкил қилиш, қизилмия ва бошқа доривор ўсимликлардан юқори қўшилган қийматга эга бўлган маҳсулотлар ишлаб чиқариш учун олиб келинадиган товарларни сертификатлаш талаб этилмайдиган тартиб белгиланади;

қизилмиядан фойдаланиш учун Ўзбекистон Республикаси Экология ва атропо мухитни муҳофаза қилиш давлат қўмитаси томонидан тасдиқланадиган қўшимча квоталар Уюшманинг буюртманомаси бўйича Ўзбекистон Республикаси Фанлар академиясининг ижобий хулосаси ҳисобга олинган ҳолда жорий йилнинг 1 апрелидан 30 декабригача бўлган даврга ажратилади.

12. Ўзбекистон Республикаси Вазирлар Маҳкамаси ҳузуридаги Ўсимликлар карантини давлат инспекцияси, Соғлиқни сақлаш вазирлиги Қизилмия ва бошқа доривор ўсимликларни етиштириш ва қайта ишлаш ташкилотлари уюшмаси билан биргаликда Ўзбекистон Республикаси Президентининг “Техник жиҳатдан тартибга солиш, стандартлаштириш, сертификатлаштириш ва метрология тизимларини янада ривожлантириш чора-тадбирлари тўғрисида” 2018 йил 12 декабрдаги ПҚ-4059-сон қарорининг 9-банди ижросини таъминлаш доирасида импорт қилинадиган қизилмия хомашёси учун карантин рухсатномаси берилишини бекор қилишнинг мақсадга мувофиқлиги тўғрисидаги масалани икки ҳафта муддатда кўриб чиқсин.

13. Ўзбекистон Республикаси Экология ва атропо мухитни муҳофаза қилиш давлат қўмитаси икки ой муддатда:

Қишлоқ хўжалиги вазирлиги, Фанлар академияси ва Уюшма билан биргаликда қизилмия ва бошқа доривор ўсимликлар плантациялари тўғрисидаги низомни тасдиқлашни назарда тутадиган Ҳукумат қарорининг лойиҳасини ишлаб чиқсин ҳамда Вазирлар Маҳкамасига киритсин;

Ички ишлар вазирлиги ва Уюшма билан биргаликда тайёрловчилар билан тузилган етказиб бериш шартномаларини амалга ошириш доирасида тайёрланган қизилмияни қайта ишловчи ташкилотларгача ташиб беришда табиатни муҳофаза қилишга доир қонун ҳужжатларига риоя этилишини назорат қилиш соҳасида идоралараро яқин ўзаро ҳамкорликни ташкил этиш бўйича қўшма дастурни ишлаб чиқсин ва тасдиқласин.

14. Ўзбекистон Республикаси Инновацион ривожланиш вазирлиги 2019-2021 йиллар учун амалий ва инновацион тадқиқотлар давлат илмий-техник дастурларини шакллантиришда қизилмия ва бошқа доривор ўсимликлар етиштиришнинг замонавий технологияларини ишлаб чиқиш бўйича лойиҳалар танловлари ўтказилишини таъминласин.

15. Вазирлар Маҳкамасининг 2014 йил 20 октябрдаги 290-сон қарори билан тасдиқланган Ўсимлик дунёси объектларидан фойдаланиш ва ўсимлик дунёси объектларидан фойдаланиш соҳасида рухсат бериш тартиб-таомилларидан ўтиш тартиби тўғрисидаги низомга 13-илованинг “Ўсимлик дунёси объектларининг турлари” устунининг учинчи хатбошидаги “ТИФ ТН коди 1211908500” сўзлари “ТИФ ТН коди 1211908608” сўзлари билан алмаштирилсин.

16. Ўзбекистон Республикаси Вазирлар Маҳкамасининг “Ўзбекистон Республикасида Қизилмия ва бошқа доривор ўсимликларни етиштириш ҳамда саноат усулида қайта ишлашни янада ривожлантириш чора-тадбирлари тўғрисида” 2018 йил 27 январдаги 63-сон қарорининг 2, 3, 7 ва 14-бандлари, шунингдек, қарорга 1 ва 2-иловалар ўз кучини йўқотган деб ҳисоблансин.

17. Мазкур қарорнинг бажарилишини назорат қилиш Ўзбекистон Республикаси Бош вазирнинг ўринбосари Э.М.Ғаниев зиммасига ва Вазирлар Маҳкамасининг Аграр ва озиқ-овқат соҳаларини ривожлантириш масалалари котибиятига юклансин.


**Ўзбекистон Республикасининг
Бош вазири**



А. Арипов

Вазирлар Маҳкамасининг
2019 йил 15 февралдаги
138-сон қарорига
1-илова

**Қизилмия ва бошқа доривор ўсимликларни етиштириш ва қайта
ишлаш ташкилотлари уюшмаси ижро этувчи аппаратининг
ТУЗИЛМАСИ**



Бошқарув ходимларининг чекланган сони - 12 нафар.

Вазирлар Маҳкамасининг
2019 йил 15 февралдаги
138-сон қарорига
2-илова

**2019-2023 йилларда Қорақалпоғистон Республикасида
қизилмия ўсимлиги янги плантацияларини ташкил этишнинг
ПРОГНОЗ КЎРСАТКИЧЛАРИ**

Т/р	Туманлар номи	Экин майдони, га				
		2019 йил	2020 йил	2021 йил	2022 йил	2023 йил
1.	Тўрткўл	100	100	100	100	100
2.	Беруний	100	100	100	100	100
3.	Элликқалъа	100	100	100	100	100
4.	Амударё	100	100	100	100	100
5.	Хўжайли	310	310	310	310	310
6.	Тахиятош	100	100	100	100	100
7.	Шуманой	500	500	500	500	500
8.	Қонликўл	540	540	540	540	540
9.	Кўнғирот	480	480	480	480	480
10.	Нукус	340	340	340	340	340
11.	Кегейли	560	560	560	560	560
12.	Чимбой	580	580	580	580	580
13.	Қораўзак	520	520	520	520	520
14.	Тахтакўпир	520	520	520	520	520
15.	Мўйноқ	150	150	150	150	150
Ҳаммаси:		5000	5000	5000	5000	5000
Жами:		25000				